


«Ռուս աղանդաւորների աղօթատները հասարակ տներ են և ամեն մօլական գիւղերում կան. իսկ դուխոբորները սեպհական աղօթատուն չունեն բնաւին, և աղօթելու համար հերթով իրար մօտ են խմբւում»:

«Պրիգունները» «Աւետեաց երկիրը» գտնելու յուսով նշանաւոր թուով գաղթեցին Ամերիկա. Կալիֆօրնիայի նահանգը, և իբրև հասարակ բանւորներ գործարաններում և նման հաստատութիւնների մէջ տեղաւորուեցին. սակայն այնտեղ ընդ միշտ մնալու ցանկութիւն չունեն, որովհետև «Աւետեաց երկիրը» չգտնելով, յաւիտեան էլ հասարակ բանւոր մնալու ցանկութիւն չունեն:

«Բացի ռուս աղանդաւորներից Կարսի նահանգում հայ աղանդաւորներ էլ կան, որոնք ապրում են Կարակալա գիւղում մօտ 78 տուն կամ 260 հոգի, երկու սիւսի նրանք պաշտօնապէս հայ բողոքականներ են կոչւում, բայց, ինչպէս հաստատում է «ՕնՅՈՒՆ»-ը, իսկապէս պատկանում են ռուս մօլոկանութեան զանազան հատուածն յիշ. նրանց մէջ կան պրիգուններ, սուբօտնիկներ ևլն. Մօլոկան վարդապետութիւնը նրանք ընդունել են երեւանեան նահանգի մօլոկաններից, ուր առաջ նրանք ապրում էին. Կարսի նահանգի միւս հայերի մէջ Կարակալացիները իրանց վարդապետութեանը հետևողներ չեն դնում»:



ՕՐԹՈՂՈՔՍ ԵԿԵՂԵՑԻՆ ԱՐՏԱՍԱՀՄԱՆՈՒՄ

Երուսաղէմի յոյն պատրիարքարանի նոր խառն ժողովը. Յայտնի է, որ Երուսաղէմի օրթոդոքս պատրիարքարանի մօտ կազմուել է նոր վարչական գործօն-խառն ժողով, որը պէտք է օգնի պատրիարքին և նրա սուրբ Սինօդին՝ Սիօնի եկեղեցու կառավարութեան գործում:

Երուսաղէմի խառն ժողովը արդէն սկսել է իւր գործունէութիւնը. ժողովի բաղկացութեան մէջ մտել են վեց հոգևոր անձինք Երուսաղէմի պատրիարք Դամիանոսի նա-

խաղաճութեամբ և վեց աշխարհականներ՝ ընտրուած Երուսաղէմի, Եաֆֆայի, Ակրայի, Նազարէթի, Բեթղէհէմի և Սալտայի օրթոդոքս աղգարնակութիւնից, Հոգեւոր անգամները պատրիարքից և Ս. Սինոդից են նշանակուած: Պատրիարքի բացակայութեան ժամանակ ժողովին կը նախագահի նրա տեղակալը:

«Այսպէս, ասում է Դերք. ԵԵԵԴ.-ը, Երուսաղէմի եկեղեցու կենտրոնական վարչութեան մէջ սկսւում է նոր շրջան՝ նոր-խառն ժողովի գործունէութեան բացմամբ: Մենք էլ մեծ ուշադրութեամբ կը հետեւե՛նք այս վարչական հաստատութեան զբաղմունքի հետեւանքին և աշխատանքի ընթացքին, վարչութեան, որի վերայ մեծ յոյսեր են գնում Պաղեստինում»:

Եկեղ. կրօնական կեանքը արեւելում.—Վերջին տարիներս օրթոդոքս արեւելքում՝ մեծ ուշադրութիւն են դարձնում՝ եկեղեցական-կրօնական կեանքի վերայ, եւ այդ բանը երեւում է բաղմամբիւ կրօնական-բարոյական լրագրերի, օրագրերի և ամսագրերի հրատարակութեամբ:

«Կ. Պօլիս, Աղէքսանդրիա, Երուսաղէմ և, վերջապէս, Սամսո, ահա այն տեղերը, ասում է Դերք. ԵԵԵԴ.-ը, ուր յաջողութեամբ առաջ է գնում մեր յոյն ուսանողների ուսումնական-կրթական գործունէութիւնը, Յաջողութիւն, կասե՛նք մենք հեռաւոր հիւսիսից, մեր աշակերտներին, որոնք բարձր են պահում ազնիւ հարաւում մեր բոլորիս Almae matris-ի գրօշակը»:

Կ. Պօլսոյ յոյն արեւալիսկոպոսութեան վիճակացոյց.

—Կ. Պօլսոյ օրթոդոքս արեւալիսկոպոսութեան մէջ, ուր են Կ. Պօլիսն ու շրջակայքը, պաշտօնական ցուցակի համեմատ 1909-10 ուսումնական տարին կային 78 յոյն ուսումնարան, որոնց մէջ կար 511 ուսուցիչ իսկ սովորող՝ եկու սեռից՝ 16531, ի մասնաւորի աստուածաբանական

գըպրոցում, որ գտնուում է Խալկի կղզում, և բաղկացած է 7 դասարանից, կան ուսուցիչ՝ 13, ուսանող՝ 81. Գիմնազիաներ կան արականների՝ 3, աղջկանց՝ 4. Քաղաքում կար և մի օտար լեզուների և առևտրական դպրոց. Տարրական դպրոցները քաղաքային և ժողովրդական՝ 64 և մասնաւոր՝ 5. Ուսուցիչներից 167-ը սովորեցնում էին միջնակարգ դպրոցներում, 257-ը քաղաքային և ժողովրդական և 87-ը մասնաւոր դպրոցներում. աշակերտներից 3425-ը միջնակարգ դպրոցներում (1480 արական 1945 իգական, 12,401 քաղաքային և տարրական դըպրոցներում (6443+5213) և մասնաւոր դպրոցներում՝ 805 (430+375)։

Փոխադարձ այցելութիւններ. Տեղի ունեցաւ Յուն-վարի մէջ յոյն տիեզերական պատրիարքի և անգլիացոց դեսպանի փոխադարձ այցելութիւն, այժմ էլ, ինչպէս հաղորդում է Церк. Вѣст.-ը, փոխադարձ այցելութիւն է տեղի ունեցել Ռուսաց դեսպան Чарыковъ-ի հետ. ինչպէս առաջին, նոյնպէս և այս այցելութեանը մեծ կարևորութիւն են տալիս յոյն լրագրները յոյն պատրիարքարանի ընթացիկ գործերի առիթով. Церк. Вѣст.-ը գրում է. «Լրագրները ուշադրութիւն դարձրին և այն անսովոր յարգանքի վերայ, որը ցոյց տրուեց Նորին Սրբութեան Յովակիմ պատրիարքին՝ ռուս դեսպանատան մէջ։



ԿԱԹՈՒԼԻԿ ԵԿԵՂԵՑԻ

Վասիկանի յարաբերութեան կարգաւորուելը.

Ռուսիայի հետ

Լրագրներում (Кавказъ—№ 54) կարդում ենք Պետերբուրգի հեռագրական գործակալութեան հեռագիրը հետեւալ բովանդակութեամբ.